

納稅節稅有撇步 答喙鼓

米：逐家平安、逐家好！我是臺灣「上嬭的歐巴桑米鳳」今仔日咱的節目，邀請著這位好朋友，是誠摯煮食阿枝師，有請阿枝師。

枝：來！來！來！看！看！看！毋是我阿枝師欲花枝炒麵線，抑毋是豬油朥來咧烏白炸，是有一个好康欲報予逐家知啦！

米：慢且！慢且！阿枝師，你猶未共來賓相借問！著欲報好康予觀眾朋友知，是毋通「籠床蓋坎無密——漏氣」喔！

枝：妳是落車頭無咧探聽，看貓的沒點，我是有一寡好空的偷食步，欲報予觀眾朋友知啦！

米：哎唷！阿枝師！你毋通按呢啦！咱是真健康的節目，袂當教歹囡仔大細！人講「細漢偷挽匏，大漢偷牽牛」，毋通偷！毋通偷。

枝：妳誠摯共我黜臭，無彩咱熟似遐爾久，按呢敢袂傷感情，勸咱觀眾朋友，物件毋通烏白偷食，是會食歹腹肚！按呢著真艱苦！

米：歹勢！歹勢！，我咧共你講滾笑，你著莫受氣！觀眾朋友啊，為著咱健康，物件毋通烏白食，人講「睏前洗腳手，卡贏食補酒」。

枝：好啦！好啦！咱兩個人莫閣佇遮答喙鼓，趕緊來講節稅的撇步。

米：你這馬欲講的是偷食步！是欲教咱觀眾朋友走漏稅，按呢若去予國稅局攞著，是愛掠去關共「頭殼生蟲母」煞煞去！煞煞去！莫變較未出代誌！

枝：人講「一句話，三斤六重」妳真是臭耳聾摺翻話！

米：你講遮是啥物意思？我那會聽共霧煞煞？

枝：納稅是咱國民的義務，節稅是咱的權利，毋通予咱的權益「睡(稅)著了」！(國語)

米：納稅閣有合法節稅的撇步，敢有遮好空的代誌，你馬緊講予逐家知！

枝：逐家著斟酌聽，第一扶養 (hû-ióng)親屬，為咱厝內盡一份責任，
著是上好的節稅方式，米鳳你敢有爸母佻親人？

米：你咧講啥啦？誰人無爸母佻親人，你當做我是孫悟空，對石頭空生
來喔？（手指頭仔比手勢）

枝：我是欲講咱扶養一个直系 (tit-hē)親屬有 8 萬 5000 箍的免稅額，年
滿 70 歲以上的扶養直系親屬，會使增加到 12 萬 7500 箍的免稅額。

米：對啦！在生一粒豆，較贏死了拜豬頭，序細有孝序大人，猶閣會當節
稅！咱著趕緊去做，毋通翁親某親，老婆仔拋揸輪。

枝：第二收據單列舉，親像破病看醫生的收據、人身保險費、全民健保
費、捐錢做善事，這些收據單，毋通擲抗掬，遮的攏總會當扣抵報
稅！

米：袂𦵇！做好代誌，閣會當節稅，真是一兼二顧，摸蜊仔兼洗褲！講
著捐錢做善事，我攏馬走第一个！按呢我著「省很大」喔！（國語）
（歡喜算錢動作）

枝：家己褒，較袂臭臊！米鳳妳甘有買厝抑是租厝？

米：我知！我知！第三觀眾朋友那有買厝，會當利用房屋貸款，辦理房
貸利息節稅，無殼的露螺朋友，會當用租厝契約、納錢証明資料，
會使納入支出報稅。

枝：𦵇𦵇！真正是「烏矸仔貯豆油一無地看」！知影閣足濟！

米：猶閣第四，咱蹠的厝若挂到風颳、水災、地動……等，遮的天然災
害，毀損面積達到 5 成以上，毋通袂記得，災害發生以後 30 天內去
伸請！著會當免繳房屋稅喔！

枝：真正是蹠佇巷仔內一內行喔！

米：對啦！阿枝師！台南觀眾朋友敲電話來問？萬稅！萬稅！萬萬稅！納

稅是欲做啥貨咧？

枝：問得誠好！納稅的好處真正濟！毋但會當造福人群，用得全民健保、老人年金，閣會使建設國家，像起公園、修理道路、鐵枝路，猶會當用著教育、藝文活動等等。

米：觀眾朋友啊！咱著要誠實納稅，國家建設若是濟，逐家幸福才會濟！阿枝師！你親像真濟猶未講著呢？

枝：誠歹勢！時間有限，無法度一一講著，希望各位鄉親序大，有閒一定愛來財政部的稅務入口網站看覓。予你捌愈濟，省愈濟

阿枝師，米鳳仔落台行禮！ 多謝逐家